

政和五禮新儀

三



欽定四庫全書

政和五禮新儀卷一百五十一

賓禮

紫宸殿正旦宴大遼使儀

陳設

宴

陳設

前期殿中監帥其屬尚舍張設紫宸殿門之內設御座

於殿上當中南向尚醞設御酒尊酒器於御座之東尚  
食設御茶牀於御座之西俱稍北有司設羣官酒尊酒  
器於殿下又設羣官座三公三少左輔右弼太宰少宰  
在御座之東稍南門下中書侍郎尚書左右丞在其東  
次觀文殿大學士太子三少觀文殿學士資政殿大學  
士六曹尚書翰林學士承旨翰林學士資政端明殿學  
士閣學士左右散騎常侍三少以下稍却尚書以下又稍却次開封尹  
六曹侍郎直學士次大司成太子賓客詹事給事



書舍人左右諫議大夫待制太常卿大司樂宗正卿次  
廂都指揮使軍都指揮使又在其東太子三師在左右  
丞之南御史大夫在散騎常侍之南中丞在直學士之

南各少並西向親王使相在御座之西稍南使相樞密

空

稍却

在其西次節度使次節度觀察留後觀察使次廂都指  
揮使軍都指揮使又在其西太尉在樞密之南左右金  
吾衛諸左右衛諸衛上將軍在節度使之南諸衛上將  
軍稍却大遼使副在上將軍之南大遼使比節度使防

稍却副使又稍却

禦團練使刺史在軍都指揮使之南各少並東向秘書

監以下并夏國使副在東朶殿都虞侯在其東並西向

北上夏國使副大將軍以下并高麗交州使副在西朶

殿都虞侯在其西並東向北上高麗交州使副指揮使分

位於東西廊大遼舍利從人各在其南夏國從人在東

廊舍利之南諸蕃使副首領高麗交州從人溪洞衙內

指揮使在西廊舍利之南

宴

垂拱殿皇帝將出宮讀奏目官以下橫行序立如常儀  
東上閣門附內侍進班齊牌皇帝出宮守踏道行門禁  
衛諸班親從迎駕自贊常起居皇帝服鞞袍坐鳴鞭舍  
人贊讀奏目官以下常起居應赴宴官外起居並如

常儀

或值假應假日後殿起居官僚並鞞笏  
赴起居帶御器械官案衣綴內侍班

殿中監以

下至簽書東上閣門官次第押班皇帝降座鳴鞭詣紫  
宸殿後幄排立諸班親從迎駕自贊常起居御史臺引  
殿中侍御史一員先入就位次赴宴官以下並以次入

殿庭東西相向立東上閣門附內侍進班齊牌皇帝紫  
宸殿坐鳴鞭舍人引班首以下橫行北向三公三少左  
輔右弼太宰少宰在殿階之南稍東門下中書侍郎左  
右丞在其南次六曹尚書次六曹侍郎開封尹大司成

開封尹以下稍空

次太常卿至秘書監次七寺卿至秘書少監

次七寺少卿至都水使者次左右司員外郎至開封府  
左右司錄次六曹諸司員外郎至軍器少監又在其南  
觀文殿大學士學士資政殿大學士翰林學士承旨翰

林學士資政端明殿學士閣學士在工部尚書之東資政

殿大學士以上稍前觀  
文殿大學士又稍前

直學士在其南待制又在其南

御史大夫在閣學士之東御史中丞在其南侍御史殿

中侍御史監察御史又在其南其左右散騎常侍在御

史大夫之東給事中中書舍人左右諫議大夫在其南

起居郎舍人左右司諫符寶郎左右正言又在其南太

子三師在散騎常侍之東與執政  
官齊太子三少在其南賓

客詹事左右庶子以下又在其南每等重行異位並北



向西上親王使相在殿階之南稍西使相稍却知同知簽書

樞密院事在其南次太尉次節度使與六曹尚書齊次節度觀

察留後觀察使次防禦使次團練使次刺史又在其南

左右金吾衛左右衛諸衛上將軍在節度使之西諸衛上將

軍稍却將軍以下在其南每等重行異位大遼使副在上

將軍之西與節度使齊副使稍却並北向東上夏國使副在文官

班百官之南副使稍却次諸軍將校次諸蕃首領夏國人從

夏國人從稍空又在其南高麗交州使副在武班百官之西副使

各稍却

次諸將軍校次高麗交州人從次溪洞衙內指揮

使又在其南每等重行異位俱北向

在東者以西為上  
在西者以東為上

立定知東上閤門官贊大起居班首出班俯伏跪致詞

訖俯伏興復位羣官再拜搢笏舞蹈又再拜贊各就座

再拜舍人分引升殿席前相向立案殿西廊官立於席

後次分引舍利入大起居贊各就座再拜贊就座分引

升兩廊次從人分入四拜起居餘如舍利儀次教坊使

以下通班大起居看殘人謝升殿垂拜訖內侍進御茶

牀殿侍酌酒訖知東上閣門官詣御座前躬奏班首姓名以下進酒舍人分引殿上臣僚橫行北向贊再拜舍人引班首稍前知東上閣門官接引詣御座東北向搢笏殿中監奉盤琖授班首殿中少監啟琖班首西向立殿中少監以酒注於琖班首奉酒詣御座前躬進訖少退虛跪興以盤授殿中監出笏知東上閣門官引退舍人接引復位贊再拜舍人引班首稍前殿上臣僚席前相向立知東上閣門官接引班首詣御座前北向搢笏殿

中監授盤捧詣御座前西向立樂作皇帝飲訖舍人分  
引殿上臣僚橫行北向知東上閣門官引班首接璣訖  
少退虛跪興授殿中監出笏引退舍人接引復位贊再

拜舍人贊各賜酒羣官俱再拜贊各就座羣官俱立席

後復贊就座羣官俱坐酒初行羣官搢笏受酒先宰臣

次百官皆作樂

此後準

皇帝再舉酒

自此並殿中  
監少監進酒

羣官俱

立席後

凡舉御  
酒準此

樂作飲訖舍人贊就座復行羣官酒皇

帝三舉酒如第二之儀尚食典御奉御進食大官令設羣

官食

此後準

樂作次賜祇應臣僚酒食先管軍次殿中監

以下知客省事以下次知內侍省事以下帶御器械官  
六尚局應奉官祇應武功大夫以下並內侍逐班贊謝  
酒食拜訖各復位皇帝四舉酒如上儀樂工前致語初  
致語羣官興立席後致語訖贊拜羣官皆再拜贊就座  
樂合皇帝五舉酒樂工殿上奏樂庭下舞隊前致詞樂  
作舞隊出知東上閣門官奏再坐時刻俟放隊訖內  
侍舉御茶牀皇帝降座鳴鞭羣官退賜花有差再坐前



二刻御史臺東上閤門催班羣官帶花北向立定東上

閤門附內侍進班齊牌

知內侍省事以下並帶御器械官先於垂拱殿迎駕奏聖躬萬

福謝花再拜紫宸殿後排立諸班親從奏聖躬萬福自贊謝花再拜

皇帝詣紫宸殿行門

禁衛諸班親從迎駕自奏聖躬萬福自贊謝花再拜皇

帝即御座殿中監以下知客省事以下六尚局應奉官

祇應武功大夫以下立大班前奏聖躬萬福訖各復侍

立祇應位次赴宴官奏聖躬萬福謝花再拜

餘謝花準此又

贊各就座再拜贊就座舍人分引升殿席後相向立朶

殿兩廊官立於席後次分引舍利入當殿贊謝花再拜  
贊各就座再拜贊就座分升兩廊次從人如舍利儀次  
管軍臣僚奏聖躬萬福謝花次殿中監以下知客省事  
以下六尚局應奉官祇應武功大夫以下謝花次教坊  
使以下奏聖躬萬福自贊謝花內侍進御茶牀皇帝舉  
酒樂工殿上奏樂庭下作樂皇帝再舉酒庭下樂作第  
三第四並如上儀若宣示璣即隨所向知東上閣門官  
以下揖稱宣示璣躬贊就座若宣勸即立席後躬飲訖

再拜內侍舉御茶牀舍人引班首以下降階橫行北向  
再拜搢笏舞蹈又再拜訖分班出次舍利五拜次從人  
再拜並分出次教坊使以下謝祇應並再拜教坊使以  
下謝恩又再拜如賜茶酒殿中監以下知客省事以下  
知內侍省事以下帶御器械官六尚局應奉官祇應武  
功大夫以下行門禁衛諸班親從教坊等逐班贊謝茶  
酒再拜教坊使以下起居并宴舞祇應謝恩並舍人贊餘祇應作樂謝恩並教坊使副贊知東  
上閣門官殿上側奏無事皇帝降座鳴鞭



欽定四庫全書

政和五禮新儀卷一百五十二

賓禮

紫宸殿大遼使辭朝儀

陳設

起居

宴

陳設



前期殿中監帥其屬尚舍張設紫宸殿門之內設御座於殿上當中南向尚醞設御酒尊酒器於御座之東尚食設御茶牀於御座之西俱稍北有司設羣官酒尊酒器於殿下又設羣官座如大遼使朝見之儀

起居

垂拱殿皇帝將出宮讀奏目官以下橫行立定如望參儀東上閣門附內侍進班齊牌皇帝出宮守踏道行門禁衛諸班親從迎駕自贊常起居皇帝降座鳴鞭起居

班將畢內侍傳宣前殿不坐應人使見日紫宸殿起居

班並赴垂拱殿起居如儀三省樞密升殿奏事如不奏事並侍立俟內殿起居班絕

殿中侍御史出降階舍人奏閣門無公事皇帝降座鳴鞭詣紫宸殿後幄排

立諸班親從自贊常起居

### 宴

諸司排當備赴宴官鞞笏入殿庭東西相向立東上閣

門附內侍進班齊牌皇帝紫宸殿座鳴鞭舍人贊館伴

使副常起居次引國信使副常起居如三日以上即大起居舍利同從人

四拜起居傳事譯授舍人代奏萬福如見儀後準此

引西序節度使班舍人分引

赴宴官橫行奏聖躬萬福訖贊各就座再拜舍人分引  
升殿席前相向立次從人入逐班常起居贊各就座再  
拜分引升兩廊次教坊使以下通班常起居次看錢人  
謝升殿再拜內侍進御茶牀殿侍酌酒訖東上閣門官  
當御座前躬奏班首姓名以下進酒舍人分引殿上臣  
僚橫行北向贊再拜舍人引班首稍前東上閣門官接  
引詣御座東北向搢笏殿中監奉盤盞授班首奉御啟

璣班首西向立殿中少監以酒注於璣班首奉酒詣御座前躬進訖虛跪興以盤授殿中監出笏東上閤門官引退舍人接引復位贊再拜舍人引班首官稍前殿上臣僚席前相向立東上閤門官接引班首詣御座東北向搢笏殿中監授盤捧詣御座前西向立樂作皇帝飲訖舍人分引臣僚橫行東上閤門官引班首接璣訖少退虛跪興授殿中監出笏引退舍人接引復位贊再拜贊各賜酒羣官就位贊再拜羣官俱立席後復贊就位

羣官俱坐酒初行羣官搯笏受酒先宰相次羣官皆作

樂尚食典御奉御進食大官令設羣官食

此後準

皇帝再舉

酒

自此並殿中  
監少監進酒

羣官俱立席後樂作贊各就座行羣官

酒樂作第三第四第五並如第二之儀若宣示璣即隨

所向東上閣門官以下揖稱宣示璣躬贊就座若宣勸

即立席後躬飲訖贊再拜內侍舉御茶牀舍人揖班首

以下降階橫行再拜搯笏舞蹈又再拜三省樞密直學

士復升殿分東西侍立樞密都副承旨從東入亦升殿



侍立餘官并國信使副分出次舍利五拜次從人再拜  
並分出次教坊謝祇應并再拜出如賜茶酒殿中監以  
下知客省事以下知內侍省事以下帶御器械官六尚  
局合應奉官祇應武功大夫以下次行門禁衛諸班親  
從教坊等逐班贊謝茶酒再拜出知客省事以下宣贊  
對立舍人復位引國信使副東入西向立舍人側宣引  
當殿再拜班首出班致詞復位再拜宣有勅各等第賜  
窄衣金束帶衣著銀器跪受訖五拜西出次舍利分入

閣各合班再拜宣有勅各等第賜衣服衣著銀器分物

跪受訖再拜分出國信使副自外服所賜衣帶再引東

入當殿再拜由東階升殿於折檻北向立

知客省事官先於宰相後

近北立俟宣旨

傳語知客省事官詣御座前躬承旨退近國信

使前西向立具宣傳語受傳事舍人揖國信使稍前跪

傳事譯授訖揖起復位傳語知客省事官還殿上侍立

位次捧書知客省事官播笏知入內省官捧書匣授知

客省事官詣御座前躬進呈訖近國信使前西向立揖

國信使稍前跪知客省事官以書匣跪付國信使知客  
省事官出笏起復位揖國信使起復位引降東階西出  
國信使副將至殿南階宣贊對立舍人合班躬奏閣門  
無事卷班西出知客省事以下出皇帝降座鳴鞭宰相  
以下退

政和五禮新儀卷一百五十二

欽定四庫全書

政和五禮新儀卷一百五十三

賓禮

崇政殿假日大遼使朝見儀

陳設

起居

宴

陳設

前期殿中監帥其屬尚舍張設崇政殿設御座於殿上  
 當中南向尚醞設御酒尊酒器於御座之東尚食設御  
 茶牀於御座之西俱稍北有司設羣官酒尊酒器於殿  
 下又設羣官座如紫宸殿大遼使朝見之儀

起居

皇帝將出宮內侍傳排立皇帝服鞞袍出宮先帶御器

械官窄衣尚輦局官公服迎駕常起居不贊平輦逍遙下應

奉人守踏道行門禁衛諸班親從迎駕自贊常起居皇



帝延和殿升輦鳴鞭至崇政殿降輦坐鳴鞭讀奏目官

宣贊舍人簿書官覺察失儀提點使臣鞞常起居讀奏目官

升降自次知內侍省事以下公服繫鞵簽書省事以上

東階次殿前都指揮使至捧日天武四廂由東

朵殿侍立至宰相都指揮使次侍御親軍馬步都指揮使至龍神衛四廂

執政官升殿退次御前忠佐馬步軍都以下次軍頭

都指揮使並窄衣次行門指揮使起居次舍人引三公

司祇候員僚並窄衣以下東西相向立俟行門指揮使起居訖引橫行三公

左輔在殿階之南稍東次太宰在其南次門下中書侍郎尚書左右丞次吏部禮部尚書次侍郎又在其南左散騎常侍在禮部尚書之東當直起居郎在其南開封

尹在左散騎常侍之東

與侍郎班齊

知同知入內內侍省事

在開封尹之東知客省事至知西上閤門事在其南次簽書客省事至簽書西上閤門事次閤門通事舍人次閤門祇候次看班祇候又在其南殿中監在同知入內內侍省事之東殿中少監在其南次殿中丞次殿中省

主簿又在其南六尚局管勾官在殿中監之東典御在

其南奉御又在其南太子三師在六尚局官之東

與執政官

班齊太子三少在其南在內監臨并殿庭祇應通事中侍中衛

左武大夫在吏部侍郎之南次武功大夫次武功郎次

敦武郎次從義忠訓成忠郎又在其南中亮拱衛左武

郎在左武大夫之東稍却每等重行異位並北向西上

三少右弼在殿階之南稍西少宰在其南次知同知簽

書樞密院事次兵部工部尚書次侍郎在其南右散騎

常侍在工部尚書之西當直起居舍人在其南御史大夫在右散騎常侍之西中丞在其南觀文殿大學士資政殿大學士翰林學士承旨翰林學士資政端明殿學士閣學士在御史大夫之西

觀文殿學士以下稍却翰林學士承旨以下又稍却

直學士在其南樞密都承旨  
在學士之西承旨在其南  
次都承旨次副承旨諸房  
逐房副承旨又在其南  
在內監臨及殿庭祇候應正  
侍中亮拱衛右武大夫在  
兵部侍郎之南次武德大  
夫至武翼大夫次武德郎  
至武翼

郎次修武郎次秉義忠翊保義郎又在其南中衛右武

郎在右武大夫之西稍却每等重行異位並北向東上

宣贊對立舍人在班前東西相向勾當皇城軍頭司在內監臨武功大夫以

下殿庭祇應庫務官從義郎以下並繫鞵勾當皇城軍頭司係正任依前殿班入祇應庫關使臣並官係承務

郎以上亦繫鞵綴大班常起居訖三省樞密分東西升殿奏事三省

樞密如不奏事知客省事以下殿庭東侍立餘官退次下殿趨閣子

東上閣門官引親王就位退次宗室開府儀同三司次

節度使次節度觀察留後觀察使次防禦團練使刺史

次宗室將軍以下次駙馬都尉係正任者赴宴觀察事

以上依前殿班次並鞞笏逐班常起居俟起居班絕知客省

事以下退次三省樞密奏事畢知客省事以下復侍立

位宣贊對立舍人各復位三省樞密升殿侍立次館伴

官入大起居於知客省事以下南稍東立俟賜國信使

接國信使俟見訖同出接書傳語知客省事官升殿於執政官南階東立引

國信使副自外捧書匣入舍人承受引天武舉禮物入

到殿庭內以東為首國信使副當殿立接書知客省事官降階至



國信使前舍人揖國信使稍前跪進書匣知客省事官

側身搯笏跪接出笏起揖國信使復位立知客省事官

執笏捧書匣升殿暫授入內省官搯笏捧至御座前進

呈畢復授入內省官接書知客省事官退復殿上立位天武常起居牽馬

捧酒者止應喏呼萬歲入內省官發匣取書傳三省與樞密同進

讀殿下引禮物東出進書訖付入內省官各復侍立位

舍人與館伴副使謂知客省事以下充副使者引國信使副至殿東

階下傳語知客省事官降階揖同升殿知客省事官於宰相北立俟宣

問回國信使當折檻北向立舍人揖國信使稍前跪傳大

遼國主問聖體傳事譯授舍人舍人當國信使班前躬

奏訖揖起復位立知客省事官詣御座前躬承旨近國

信使班前西向立具宣問授傳事舍人揖國信使稍前

跪傳事譯授訖具回奏譯授舍人舍人當班前躬奏如

初揖起復位若尚有傳語回引向東階赴當殿大起居

奏聖躬萬福逐次出班致詞並傳事譯授舍人當班前躬身代奏非漢服者拜舞並依本國儀後準此班

首出班謝面天顏復位五拜又出班謝公路館驛茶藥

御筵傳宣撫問復位五拜宣有勅各等第賜對衣衣著  
銀器鞍轡馬跪受賜訖五拜東出次舍人傳事引舍利  
入殿大起居傳事代奏萬福宣有勅各等第賜衣服束帶衣著  
銀器分物跪受訖五拜東出次舍人傳事引從人入當  
殿四拜起居自奏聖躬萬福宣有勅各等第賜衣服腰帶衣著  
銀器分物跪受賜訖再拜東出舍人奏門外無公事皇  
帝降座鳴鞭歸後幄

宴

國信使以下服所賜衣帶舍利從人於崇德殿門外階  
下立赴宴官鞞笏同國信使副於屏門外分立諸司排  
當脩內侍傳排立東上閣門附內侍奏班齊皇帝坐鳴  
鞭行門禁衛諸班親從迎駕奏聖躬萬福次殿中監以  
下知客省事以下知內侍省事以下帶御器械官六尚  
局應奉官祇應武功大夫以下闕班各奏聖躬萬福次  
管軍臣僚奏聖躬萬福各復侍立祇應位次舍人引赴  
宴官并國信使副依東西座位入當殿立定奏聖躬萬

福訖贊各就座再拜贊就座舍人分引升殿席前相向

立

如無宣問國信使副即引下殿贊再拜贊就座

次引舍利次從人入當殿贊

各就位再拜贊就座引東廊次內侍進御茶牀殿侍酌

酒訖東上閣門官當御座前躬奏班首姓名以下進酒

舍人分引殿上臣僚橫行北向贊再拜舍人引班首官

稍前東上閣門官接引詣御座東北向播笏殿中監奉

盤盞授班首奉御啟盞班首西向立殿中少監以酒注

於盞班首奉酒詣御座前躬進訖虛跪興以盤授殿中

監出笏東上閣門官引退舍人接引復位贊再拜舍人  
引班首稍前東上閣門官接引詣御座東北向搢笏殿  
中監授盤捧詣御座前西向立皇帝飲訖東上閣門官  
引班首接踐訖少退虛跪興授殿中監出笏引退舍人  
接引復位贊再拜舍人贊各賜酒羣官再拜贊就座羣  
官俱立席後復贊就座羣官俱坐酒初行羣官搢笏受  
酒尚食典御奉御進食大官令設羣官食後準此皇帝再舉  
酒自此並殿中羣官俱立席後飲訖贊各就座復行羣  
監少監進酒



官酒皇帝再舉酒並如第二之儀若宣示璣即隨所向  
東上閣門官以下揖稱宣示璣躬贊就座若宣勸即立  
席後躬飲訖贊再拜內侍舉御茶牀舍人引班首以下  
降階橫行再拜搯笏舞蹈又再拜分班出次舍利五拜  
次從人再拜並東出如賜茶酒殿中監以下知客省事  
以下知內侍省事以下帶御器械官六尚局應奉官祇  
應武功大夫以下次行門禁衛諸班親從等逐班贊謝  
茶酒再拜訖舍人奏門外無公事皇帝降座升輦鳴鞭

至延和殿降輦鳴鞭舍人再奏無公事皇帝還內

政和五禮新儀卷一百五十三

欽定四庫全書

政和五禮新儀卷一百五十四

賓禮

崇政殿假日大遼使朝辭儀

陳設

起居

宴

陳設

前期殿中監帥其屬尚舍張設崇政殿設御座於殿上  
 當中南向尚醞設御酒尊酒器於御座之東尚食設御  
 茶牀於御座之西俱稍北有司設羣官酒尊酒器於殿  
 下又設羣官座如紫宸殿大遼使朝見之儀

起居

皇帝將出宮內侍傳排立皇帝服鞞袍出宮先帶御器  
 械官窄衣尚輦局官公服迎駕常起居不贊平輦道遙下應  
 奉人守踏道行門禁衛諸班親從迎駕自贊常起居皇

帝延和殿升輦鳴鞭至宗政殿降輦坐鳴鞭讀奏目官

宣贊舍人簿書官覺察失儀提點使臣鞞常起居讀奏目官

升殿自東階次知內侍省事以下公服繫鞵簽書省事以上由東朶殿升殿侍立餘朶

殿侍立至宰相執政官升殿退次殿前都指揮使至捧日天武四廂都

都指揮使並窄衣執杖子次御前忠佐馬步軍都軍頭以下次

軍頭司祇候員僚並窄衣次行門指揮使逐班常起居次

舍人引三公以下東西相向立俟行門指揮使起居訖

橫行常起居如假日大遼使朝見之儀三省樞密分東

西升殿奏事

三省樞密如不奏事升殿趨閣子

知客省事以下殿庭東

侍立餘官退東上閣門官引親王就位退次宗室開府

儀同三司次節度使次節度觀察留後觀察使次防禦

團練使刺史次宗室將軍以下次駙馬都尉

係正任者依本班

次赴宴觀察使以上

依前殿班次

並鞞笏逐班常起居俟起

居班絕知客省事以下退三省樞密奏事退舍人奏門

外無公事皇帝降座鳴鞭歸後幄

宴



諸司排當備內侍傳排立引赴宴官入殿庭東西相向立東上閣門官附內侍奏班齊皇帝坐鳴鞭行門禁衛諸班親從迎駕奏聖躬萬福次殿中監以下知客省事

以下樞密都副承旨當直起居郎舍人

待制以上充樞密都副承旨并

催起居郎舍人即相次別為一班樞密都副承旨節正任者管軍復別班

知內侍省事以下

帶御器械官六尚局應奉官祇應武功大夫以下闕班

各奏聖躬萬福訖

樞密都副承旨退俟賜酒畢歸侍立位

次管軍臣僚奏

聖躬萬福各復侍立祇應位次舍人贊館伴使常起居

依坐次立如館伴使副係知客  
省事以下即東出接人使同入  
次國信使副常起居如

日以上即大起居舍利同從人四拜起居  
傳使譯授舍人代奏萬福如見儀後準此  
引西序節度

使班舍人分引赴宴官橫行奏聖躬萬福訖贊各就座

再拜贊就位舍人分引殿前席相向立次引舍利次從

人入逐班常起居贊各就位再拜贊就位引升東廊次

內侍進御茶牀殿侍酌酒訖東上閣門官當御座前躬

奏班首姓名以下進酒舍人分引殿上臣僚橫行北向

贊再拜舍人引班首官稍前東上閣門官接引詣御座

東北向搢笏殿中監奉盤盞授班首奉御啓盞班首西  
向立殿中少監以酒注於盞班首奉酒詣御座前躬進  
訖虛跪興以盤授殿中監出笏東上閤門官引退舍人  
接引復位贊再拜舍人引班首官稍前東上閤門官接  
引詣御座東北向搢笏殿中監授盤捧詣御座前西向  
立皇帝飲訖東上閤門官引班首接盞訖少退虛跪興  
授殿中監出笏引退舍人接引復位贊再拜舍人贊各  
賜酒羣官再拜就座羣官俱立席後復贊就位羣官俱

坐酒初行羣官搢笏受酒尚食典御奉御進食大官令設

羣官食

此後準

皇帝再舉酒

自此並殿中監少監進酒

羣官俱立席後

飲訖贊各就座復行羣官酒皇帝三舉酒並如第二之

儀若宣示璣即隨所向東上閣門官以下揖稱宣示璣

躬贊就座若宣勸即立席後躬飲訖贊再拜內侍舉御

茶牀舍人揖班首以下降階橫行再拜搢笏舞蹈又再

拜三省樞密院復升殿分東西侍立餘官退國信使東

出

館伴使副并國信使副於屏門外立

次舍利五拜次從人再拜並東出

如賜茶酒殿中監以下知客省事以下知內侍省事以下帶御器械官六尚局合應奉官祇應武功大夫以下

次行門禁衛諸班親從等逐班贊謝茶酒再拜各復侍

立祇應位宣贊對立舍人復位立樞密都副承旨升殿

侍立館伴使副於知客省事以下南稍東立

俟賜國信使副物出

如知客省事以下館伴隨人使出

次國信使副入引當殿再拜班首出

班致詞復位再拜宣有勅各等第賜衣服衣著銀器分物跪受訖五拜東出次從人入再拜宣有勅各等第賜

衣服衣著銀器分物跪受訖再拜東出國信使副自外服所賜衣帶再引入當殿再拜由東階升殿於折檻北

向立

知客省事先於宰相後近北立俟宣旨

傳語知客省事官詣御座前

躬承旨退近國信使副西向立具宣傳語授傳事舍人揖國信使稍前跪傳事譯授訖揖起復位傳語知客省事官還殿上侍立位次捧書知客省事官搢笏知入內省官捧書匣授知客省事官詣御座前躬進呈訖近國信使前西向立揖國信使稍前跪知客省事官跪以書



匣傳付國信使起復位引降東階出

傳語捧書知客舍  
省事官下殿

人奏門外無公事

大遼使副於侍  
立舍人後過

宰相以下退皇帝降

座升輦鳴鞭至延和殿降輦鳴鞭舍人再奏無公事皇

帝還內



政和五禮新儀卷一百五十四

欽定四庫全書

政和五禮新儀卷一百五十五

賓禮

夏國進奉使見辭儀

高麗國進奉使見辭儀

交州進奉使見辭儀

宜州西南蕃黎州等處進奉使人見辭儀

海外進奉蕃客見辭儀

夏國進奉使見辭儀

見日

俟見班絕謝班前引高麗交州同辭日並辭班引

使捧表函引入殿庭副

使隨入西向立舍人揖躬舍人當殿躬通夏國進奉使

姓名以下祇候見引當殿引使稍前跪進表函

舍人一員措笏

躬接表函出笏捧詣東朵殿付入內侍省官接進

起歸位四拜起居舍人宣有

勅賜某物兼賜酒食跪受箱馬過俯伏興再拜舍人曰

各祇候揖西出

常日不起居

次從人入不通即引當殿四拜

起居舍人宣有勅賜分物兼賜酒食跪受箱過俯伏興

再拜舍人曰各祇候揖西出辭日引使副入殿庭西向立舍人揖躬舍人當殿躬通夏國進奉使姓名以下祇候辭引當殿四拜起居舍人宣有勅賜某物兼賜酒食跪授箱過俯伏興再拜舍人曰好去揖西出次從人入

辭如見儀

凡蕃客見辭同日者先夏國次高麗次交州次海外蕃客次山後諸蠻

高麗國進奉使見辭儀

僧見辭附

見日使捧表函引入殿庭副使隨入西向立舍人揖躬舍人當殿躬通高麗國進奉使姓名以下祇候見引當

殿引使稍前跪進表函

舍人一員措笏躬接表函出笏捧詣客省接進

俯伏興

起歸位大起居班首出班躬附起居歸位再拜又出班

前面天顏泂路館券都城門外茶酒歸位再拜措笏舞

蹈俯伏興再拜

假日不舞蹈交州同

舍人宣有勅賜某物兼賜酒

食措笏跪授箱馬過俯伏興再拜舍人曰各祇候揖西

出

每過立班起居在侍御同員僚後入

次押物以下入不通即引當殿四

拜起居宣有勅賜某物兼賜酒食跪授箱過俯伏興再

拜起居舍人曰各祇候揖西出辭日引使副入殿庭西

向立舍人揖躬舍人當殿躬通高麗進奉使姓名以下

祇候辭引當殿四拜起居班首出班致詞歸位再拜舍

人宣有勅賜某物兼賜酒食措笏跪授箱過俯伏興再

拜舍人曰好去揖西出次從人入辭如見儀

使副疾謁告參日俟

見班絕入通某姓名參假大起居使副知加恩告謝俟謝班絕入管勾所前一日申閣門若使副以下授恩命

謝恩各依常參官謝恩之儀若中謝例物不拜勅止唱賜者唱再拜舞蹈俯伏興再拜 僧見辭不

通當殿奏聖躬萬福三呼萬歲宣有勅賜僧衣兼賜齋

食三呼萬歲贊曰祇候

辭贊曰好去

三呼萬歲西出

次本國使入後

入者同

### 交州進奉使見辭儀

見日使捧表函引入殿庭副使隨入

或押衙則押衙捧表函

西向

立舍人揖躬舍人當殿躬通交州進奉使姓名以下祇

候見

或押衙即不過班辭日同

引當殿引使稍前跪進表函

舍人一員措笏

躬接表函出笏接詣客省接進

俯伏興起歸位大起居班首躬附起居

歸位再拜舍人宣有勅賜某物兼賜酒食跪授箱馬過

俯伏興再拜舞蹈俯伏興再拜舍人曰各祇候揖西出



每過垂拱殿起居在殿前司員僚後入將軍從人等並門見賜例物酒食

辭日引使副或押衙入殿庭西向立舍人揖躬舍人當

殿躬通交州進奉使姓名祇候辭引當殿四拜起居班

首出班致詞歸位再拜舍人宣有勅賜某物兼賜酒食

搢笏跪授箱過俯伏興再拜舞蹈俯伏興再拜舍人曰

好去揖西出軍將從人等並門辭如見儀使副疾謁告

殿大班復入不通之起居若使副加恩告謝及使副以下授恩命謝恩及有中謝例物不拜勅止唱賜者並如

高麗使之儀

宜州西南蕃黎州等處進奉使人見辭儀

見日首領捧表函引當殿班首出班跪進表函

舍人一員接表

函捧諸客省投進

俯伏興歸位揖躬四拜起居舍人宣有勅賜

某物兼賜酒食跪授箱過俯伏興再拜舍人曰各祇候

揖東出辭日引當殿四拜起居舍人宣有勅賜某物兼

賜酒食跪授箱過俯伏興再拜舍人曰好去揖東出從

人並門見辭賜例物酒食

海外進奉番客見辭儀

僧見辭附

見日首領捧表函入不通引當殿通班首出班跪進表

函

舍人一員播笏躬接表函出笏捧詣客省投進

俯伏興歸位揖躬四拜起居

班首出班躬附起居歸位再拜舍人宣有勅賜某物兼

賜酒食跪授箱過俯伏興再拜舍人曰各祇候揖西出

既出服所賜衣服崇政殿再引過朔望前殿後入常日不起居

辭日不通升殿四拜起

居舍人宣有勅賜某物兼賜酒食跪授箱過俯伏興再

拜舍人曰好去揖西出從人並門見辭賜例物酒食僧

見辭如高麗僧見辭儀

凡復殿再拜引蕃國進奉使副首領以下各服所賜客者關本

俗衣服者依例候軍頭引公事畢當殿贊曰  
賜酒食再拜舍人贊曰就座酒食畢再拜出

政和五禮新儀卷一百五十五

欽定四庫全書

政和五禮新儀卷一百五十六

賓禮

皇太子與師傅保相見儀

皇太子元正冬至受羣官賀儀

皇太子與師傅保相見儀

前一日所司設師傅保以下次於宮門外道西南向設  
軒架之樂於殿庭近南北向其日質明諸衛率各勒所

部屯門列仗興謁設皇太子位於殿東階下西向設師傅保位於殿西階之西三少位於師傅保之南稍却俱東向北上師傅保以下俱朝服至宮門通事舍人引就次左庶子請內嚴通事舍人引師傅保立於正殿門之西三少在其南稍却俱東向北上左庶子言外備諸侍奉之官各服其器服俱詣閤奉迎皇太子朝服以出左右侍衛如常儀軒架作翼安之樂至東階下西向立樂止通事舍人引師傅保及三少入就位軒架作正安之樂

至位樂止皇太子再拜師傅保以下答拜

若三少特見則三少先拜

通事舍人引師傅保出軒架正安之樂作出門樂止左庶子前跪稱左庶子某言禮畢皇太子入左右侍衛及樂作如來儀

### 皇太子元正冬至受羣官賀儀

前一日有司於東宮門外量地之宜設三公以下文武羣官等次如常儀典儀設皇太子答拜褥位於階下南向又設文武羣官版位於門之外其日禮直官舍人先



引三公以下文武羣官以次入就位立定禮直官舍人

引左庶子詣皇太子前跪請內嚴少頃又言外備內侍

褰簾皇太子常服出次左右侍衛如常儀皇太子降階

詣南向褥位典儀曰再拜贊者承傳曰再拜三公以下

皆再拜皇太子答拜班首少前稱賀云元正首祚冬至云天

正長至景福惟新伏惟皇太子殿下與時同休賀訖少退

復位左庶子前承令詣羣官前答云元正首祚冬至云天正長

至與公等均慶典儀曰再拜班首以下皆再拜皇太子

答拜訖禮直官通事舍人引三公以下文武百官以次  
出內侍引皇太子升階還次簾降侍衛如常儀少頃禮  
直官舍人引知樞密院官以下入就位立定內侍引皇  
太子降階詣南向褥位樞密以下參賀並如上儀訖退  
次引師傅保賓客以下入就位參賀如上儀師傅保以  
下次出內侍引皇太子升座禮直官引文武官官入就  
位重行北向立定典儀曰再拜在位官皆再拜左庶子  
少前跪言具官某言元正首祚

冬至云天  
正長至

伏惟皇太子

殿下與時同休俯伏興復位典儀曰再拜在位者皆再  
拜分東西序立左庶子少跪前言禮畢左右近侍降簾  
皇太子降座宮官退左右侍衛以次出

政和五禮新儀卷一百五十六

欽定四庫全書

政和五禮新儀卷一百五十七

軍禮

皇帝御樓受蕃王降儀

陳設

御樓引見

陳設

前期殿中監帥其屬尚舍設御座於宣德門樓上前楹

當中南向又設御幄於御座之北儀鸞司分設文武百僚等及蕃國降王以下次於樓之左右其日未明尚書兵部帥其屬陳列黃麾大仗於宣德門外分左右中道外仗排立至朱雀門如大禮肆赦之儀唯不設輦輿馬等所司備蕃國降王以下所賜衣帶等於樓側以俟宣取

御樓引見

其日宰相親王使相執政官文武百僚宗室諸方客使等各赴樓前就次皇帝常服出內東門先知客省事以

下六尚局應奉官祇應武功大夫至保義郎知內侍省  
事以下帶御器械官鬪班立定屏門開先禁衛諸班親  
從等迎駕自贊常起居知客省事以下知內侍省事以  
下常起居次樓上立知樞密院官翰林學士承旨宣名

常起居貯廊南管軍臣僚宣名常起居訖

管軍臣僚導駕至宣德門

赴樓下侍立

皇帝乘輿升宣德門樓降輿歸御幄禮直官舍

人分引文武百僚立班於樓下如大禮肆赦之儀管勾  
降王使臣并隨行舊蕃官北向立定樓下東上閣門進

班齊牌以紅條袋引升樓上東上閣門附內侍進訖內侍承旨索扇扇合皇帝即御座簾卷內侍又贊扇扇開內侍衛如常儀諸班親從並裏圍降王人等迎駕自贊常起居次舍人贊執儀將士常起居次管勾使臣等并隨行舊蕃官常起居次禮直官舍人分引文武百僚重行北向贊者曰拜在位官皆再拜搯笏舞蹈三稱萬歲又再拜班首奏聖躬萬福又再拜訖禮直官舍人分引各就東西序立舍人引蕃國降王各服本蕃衣冠詣樓



前北向立定

婦人少西僧又少西俱立其後

入內省官詣御座前承旨

傳樓上東上閣門承旨錄訖以紅條袋降制

凡有旨宣問等並準

此樓下東上閣門官承旨退蕃國降王以下俯伏於地

東上閣門官至令通事舍人扶蕃國降王等起首領以

下亦起並躬東上閣門官宣曰有勅蕃國降王以下再

拜

僧尼止躬呼萬歲餘準此

東上閣門官錄勅旨付管勾官訖蕃國

降王等躬聽詰問

如有回奏東上閣門錄訖以紅條袋引升殿

入內省官詣

御座前承旨傳樓上東上閣門官承旨稱有勅赦罪宣

訖舍人贊謝恩拜蕃國降王以下再拜隨拜三稱萬歲  
 序立舍人入內省官再詣御座前承旨傳樓上東上閣  
 門官東上閣門官承旨稱有勅各賜幙頭衣帶等樓下  
 東上閣門官承旨引所賜服檐牀陳列稍西舍人宣曰  
 有勅蕃國降王等再拜訖躬舍人稱各賜某物蕃國降  
 王以下跪僧尼婦人躬賜物過又再拜三稱萬歲如賜官即贊謝再拜  
 並歸次易所賜服舍人先引蕃國降王以下至授遥郡  
 以上當樓前北向東上重行異位立定贊再拜舞蹈三

稱萬歲又再拜訖次贊服冠帔婦女再拜謝

或有授遙  
郡以上職

名僧別  
班謝

引還次贊樓上侍立官稱賀再拜禮直官舍人

引方引文武百僚橫行北向立定贊者再曰再拜在位

官皆再拜班首少前俯伏跪稱賀

其詞中書省  
隨行事撰述

賀訖俯

伏興退復位贊者曰拜在位官皆再拜播笏舞蹈三稱

萬歲又再拜東上閣門官進詣樓前承旨就班首宣曰

有制贊者曰拜在位官皆再拜宣答訖

其詞學士院  
隨事撰述

贊

者曰拜在位者皆再拜播笏舞蹈三稱萬歲又再拜分

班樓上樞密院官少前俯伏跪奏稱具官臣某言禮畢  
俯伏興退復位內侍承旨索扇扇合皇帝降座簾降內  
侍又贊扇扇開所司承旨放仗樓下鳴鞭贊文武百僚  
再拜訖退

如宣臣僚觀六軍騎士  
拽隊賜茶酒臨時取旨

皇帝乘輿還內如常

儀

政和五禮新儀卷一百五十七